



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt X. Martini Lutheri mors, & de eo iudicium.

**urn:nbn:de:hbz:466:1-11642**

## C A P V T X.

*Martini Lutheri mors, & de eo iudicium.*

**N**Obilitauit hoc idem tempus Martini Lutheri mors, quæ Islebī \* accidit in Comitum Mansfeldiorum oppido, vbi natales habuerat. Varij ex Catholicis Scriptoribus varia recensent diuinæ vltionis signa, seu certe cognita, seu per famam vulgata, quæ instar Poëta narrat quandoque quod conuenit potius quam quod euenit. Defecit anno climaṭerico. Quispiam, cui libet argutiſ ludere, diceret, cælestes orbes videri per hoc voluisse, se quoque aliquid benemereri in extingendo monstro tam noxiè pestilenti.

\* 18. Febr.  
1546. Vide  
Spondan,  
eodem anno  
a num. 12.  
ad 15.

Fecundo ingenio præditus fuit, sed huiusmodi, ut plurimum acerbi, nihil vñquam maturi protulerit: quippe ne vnam quidem illius meditationem reperias, quæ legentis animum expleat, & quæ non magis imiteretur gigantem abortuum, quam factum perfectum. Mens quidem illi robusta, sed vaſtatori aptior quam ædificatori: atque ita spectamus Catholicam Religionem ab eo pluribus in Regni euersam, sed eiusdem doctrinam angusta in regione fundatam. Copiosam rerum eruditio[n]em obtinuit, sed quasi plurimæ ſupellectilis congeriem, sive nummis æneis locuples æxarium, non quasi vettiarium nobilium aulæorum, sive vñionum gemmarumque theſaurum. Et hac ipsâ eruditio[n]is affluentia vſus fuerat veluti quâdam imbris æſtui procellâ, quæ tellurem vſquequaque obruit, nusquam ad fecunditatem imbuīt: nullum enim argumentum, variarum historiarum notitiâ, vel multorum auctòrum lectione indigum, ab illo vñquam illustratum. Fuit eloquens lingua & calamo; sed instar turbinis puluerem attollentis ad oculos occæcandos, non placidi fontis pellucidam aquam effundentis ad recreandos; cùm in tot eius Operibus ne vnam quidem periodum inuenire liceat, quæ incultum & agreste quiddam non præſe ferat. Audacem ſe præbuit, non fortem, ſuetus rixas initio per impetum aggredi, poſteā per timorem prosequi, veritus ne despiciatui haberetur, neve ſibi venia denegaretur. Nemo petulantior in conculcandis ipſis regnantium Scep[tr]is, dumodò à ſe remotis, lutulento pede, per ſuas nimirum contumelias verius quam satyras: nemo illo formidolofior, cùm propè instabant pericula. Sæpè dolorem prætulit, quod vñque eò progreffus fuisset aduersus Pontificem; ſed pertinaciter adhuc pugnauit, quod iam præcīsum à tergo pontem ſibi crederet:

Pars I.

Cccc deret:

1546. deret: atque eâ spuriâ fortitudine vsus est; quam Aristo teles bellum tribuit, quæ acriter pugnant, cùm ad sua spelæa paludeſque recessum non habent. Sæpius obtulit silentium, si pariter aduersari tacuissent: in quo palam fecit, se ab honoris humani zelorum, non à Diuini studio moueri. Rem Christianam peruerit, sed magis aliorum iacturâ quàm suo lucro. Eum Principes sunt fecerunt, sed vt ipſi ditescerent, non vt illum ditarent: vnde semper in ex parte iacuit, eò miseriore, quòd ipsius superbia magis iniuria magistrorum eiusdem intemperantiae intolerabilis. Multis principatibus prouocauit Ecclesiam: sed visum est id ipsum ex Diuino consilio valuisse ad hanc mysticam vitem potius putandam, quàm obtruncandam, cum eadem ex causa & in Fide Catholica vegetiores, & in omnium virtutum genere fecundiores euaserint palmites illi, qui viti communi persistere: atque ex hoc ipso visum est non tam diminui, quia perpurgari aurum, vt eius probitas emicaret, collata cum foribus segregatis, cùm patuerit in atroci illa Christiani generis seditione, quænam esset pars fidelis, quæ sincera Respublica, & non rebellium turba; hoc est, pars maior, nobilior, doctior, moratori, laetior. Perennis permanxit in posterorum memoria; sed perennius infamia verius quàm gloria: cùm & numero frequentiores sint, & auctoritate prestantiores iij qui hominem vt haeresiarcham detinuntur, quàm qui vt Prophetam venerantur.

A Suaui narratur, Tridentum ac Romanam maiori affecta fuisse gaudio ex abrupto Germanico Colloquio, obitu Lutheri, quia mœrore ex Palatini & Palatinatus haeresi: Sed ea, quæ ad negotia usque etatem eueneré, palam fecisse, Martinum tantummodo admunimur fuisse, causas verò alias potentiores atque abstrusiores. Hoc postrem satis superque refellitur per ea quibus confimile sophisma dilatum in cæde Zuinglij à Suaui conflatum. Ceterà dubitandum non est, Concilio ac Pontifici placuisse Colloquij cessationem. Memori quidem illi formidabant, ne qua ibi concordia cuderetur, sincerati Fidei, & Ecclesiæ auctoritati pernicioſa, per summum dedecet. Concilij, cuius erat huiusmodi rebus legitimè prospicere, quodque ad eas componendas tanto Ecclesiasticorum incommodo causarunt, ipsâ Germaniâ efflagitante: adeoque lætabantur, spectantes Ecclesiam ab eo subtractam periculo, eaque ratione subtractam, ut inuidia recideret in haereticos, qui Colloquium præciderant, nihil in eo Pontificis molientibus, vnde simplici Germanorum multitudini turbatores concordia viderentur. At fuisse Pontificios in spem magnam erectos morte Lutheri, neque verum confirmatur.



ex monumentis, quæ videre est, neque simile vero ex rerum conditionibus, quas obseruare licet: nisi forte Suavis de imperitæ turbæ spe loqueretur; cuius sensa proferre quasi vnius Reipublicæ, vniuersitate Principatus sensa, pudendum certè Suaui, satis gnaro, nullas esse posse Athenas adeò doctas, vbi turba ignara non sit; & ne Platonem quidem existimasse, illam in sua commentitia ciuitate futuram fuisse prudentem. Enimvero homines facti consciij, & rerum ciuilium intelligentes, nullam super Lutheri cineribus spei molem extruere potuerunt.

Scripterat multos ante annos ad Pontificem Contarenus, ut suo loco narratur: Si non Lutherus modò, sed cuncti Doctores hæretici non, inquit, extincti, sed ad Fidem reuocati fuissent, nihil id fuisse permoturum Principes ac populos ad hæresim deferendam, cui non ex opinionis errore, sed ex ingluie rapinarum, ac licentia cupideitate inhærebant defixi. Id ipsum comprobarunt exempla in morte tot veterum hæsiarcharum, nuper in funere Ioannis Hussi, ac postremò Ulrici Zwingli. Et tamen his extinctis, ipsorum hæreses non tam altas radices egerant quam eo tempore Lutherana. Lætabantur itaque eo funere cordati Catholici, itidem ac lætatur obseffa ciuitas ruinâ collabentis hostium machinæ, non quasi conuulsa iam moenia illius casu resurgent, sed quod ciues metu liberentur stragis nouæ, quam infesta moles minitabatur. Nos verò calamus ad'Concilium conuertamus.

## C A P V T X I.

*Quæ post tertiam Sessionem agitata. Quæ proposita ad sacrarum Literarum libro's comprobando's. Vbi etiam expenditur,  
quousque Florentina Synodus perdurauerit.*

**M**olesta Legatis accidit ea quæcumque fuerit trium Episcoporum contradic̄tio in Sessione præterita. Videbatur ipsis probi Senatoris officium esse, in priuatis consultationibus sententiam liberè dicere, at vbi oppositum maiori sententiarum numero statutum fuisset, hoc ipsum postea tamquam propriam sententiam tueri in Conuentibus publicis, autà per eam concordia professionem & auctoritate Decretis, & reuerentiâ Senatui. Quapropter in proximo congressu \* singulos Montanus orauit, vt acquiescerent titulo satis amplio ac decoro, quo Synodus appellabatur, prout reuerâ erat, *Oecumenica & Generalis:* quæ huic addenda

\* 8. Februario  
1546.

Cccc 2

qui-